

114
A 755

上海申報拔萃

光緒七年正月廿五日
皇國明治十五年二月廿三日

大正十一年四月
大隈伯爵郵寄

日本使臣宍戶由北京抵滬已列前報茲閱西報知該使臣於今年新正因聞琉球故臣入貢中國意欲阻撓而華人云此係數百年旧例不聽傳止該使臣遂急欲回國商議此事不及俟至開凍由陸路起程即行至滬論者謂前者德法之戰亦因在德京之法使臣與德皇議有不合急於回國遂啓爭端嗣後法國竟為德國所敗實由於使臣不克稱職過於急躁之故前車可鑒日本使臣其亦知之否耶

上海申報拔萃

光緒七年正月廿六日
皇國明治十四年二月廿四日


論日本查礦

昨譯西報言日本於去年遍查國中礦地惟四處無礦可開其餘皆可開採云々於以見日本之留心礦務可謂無所或遺矣說者謂竭澤而漁未免有傷地脉恐近日雖取之不竭將來必有告罄之時此亦慮之遠者或又謂地不愛寶日本近來礦地之多如此正屬國家興旺之象是說亦似有理總之理與勢固有殊形經與權亦宜相濟處今日之時勢而沾沾于王道迂闊非計也且即就王道而論貨惡其棄於地力惡其不出於人何嘗以言利為諱三代以上為民謀稼穡之利開魚鹽之利廣舟楫之利推而至於兵革之利其微者雖在網罟杵臼等類聖人皆親為制作而教導之此不諱言利

之確証也。自後世好利之君謀利之臣，以利私利而不與民共利，於是乎以言利為可耻，其實孔子之所罕言者，原係自利之利。至於為政，則曰：因民之所利而利之。又曰：小人樂其樂而利其利，亦何嘗故作矯情絕口而不言哉？今日之所以為利者，莫要於礦務。泰西各國皆恃此為富國強兵之基，日本自近年以來，事々皆倣法泰西，不敢自膠成見，故其於開礦一事，亦復悉心考核，不敢有所遺漏。若此，夫日本之地，豈中國比哉？其國在東海中，平列三大島，北曰對馬，與高麗相直，中曰長崎，較大，與浙海普陀山相直，南曰薩崙馬，與浙之溫台相直，三島之外，小島甚多，為畿五為道七，小者統三十郡，大者統一百餘郡，郡之大者不過中國一村，落而已。然而力能自強，竟為東瀛一強國，同處亞洲之中者，竟若未嘗遠遜於中國，此其故何哉？日本自維新以後，日廷乾綱獨斷，宵

旰勤勞，知本國習於積弱，當改弦而更張之，效趙武靈胡服騎射之法，衣冠制度悉舍已，而從泰西。數年之後，駸駸日大，而又深知欲兵之強，先需餉項，故籌餉尤為急急。而於開礦之利最為究心，日異月新，迥非昔比。此其故蓋蓋可知矣。惜日廷此時漸自好大之意，不復如前此之休養生息以培補元氣為事，此則稍不滿於人意。然其國中可開之礦如此之多，則亦未始非天之有以厚之也。夫日本近年頗有內匱之患，鈔票通行，現銀漸少，實為日人所憂，乃由今觀之，礦地所出當必自足，敷所用者矣。中國之礦務近亦漸開，顧中國之地較日本為大，人數亦較日本為多，而現在開礦之地不過數處，即如池州之礦，去年竟在不能開辦，雖由於辦理不善之故，而中國人則見之而疑阻益多，以為一處如此，他處亦必如此，費如許貲財，若干人力，而仍廢於半途，則繼之者有

不望而生畏者乎且中國之礦地據西人查之殊屬不少今則不但不能遍開即已開辦者亦仍不能竟事此實由於中國人之拘泥成說不知變更所致而人之怠惰亦可知也夫下本錢先求利息下本則惟恐過多計利則惟恐過少一處得法人人皆欲共爭而不肯別開一處以與人爭勝此皆中國人之通病而礦務之所以不興焉至於秉鈞之人則本可以惟所欲為矣然又泥於輕不言利之見似乎動言利藪愧對聖賢即一二通達時勢為創辦者而從旁阻撓者又不一其人如此而欲礦務之日有起色也烏可得哉日本之於礦務漸以宸謀運以衆力而其成效已著中國此事尚係試辦而更不敢遍查確核以盡知國中之利於以求國用之足推而至於民利其利蓋甚難矣余因日本查礦之事而深慨中國之貨棄於地而不知取於是乎書



大
正
富